



Publicaziuns dalla vischnaunca, jamna 46

Votaziuns communalas e votaziun federala

L'urna principala en casa communalada ei aviarta sco suonda:

Dumengia, ils 27-11-2016, 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton sil pli tard entochen venderdis, ils 25 da november 2016, allas 17.00 tier l'administraziun communalada (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observar il suandongt:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalada saveis Vus tarmetter cun posta (supplicau da francar) ni directamein fierer en la scaffa da brevs dalla casa communalada.

Ils cedels da votar ston esser sil pli tard la dumengia, ils 27 da november 2016 allas 11.00 tier l'administraziun communalada.

Aschinavon ch'ei vegn buca risguardau sura instrucziuns da votar, ein ils cedels da votar nun-valeivels.

Suprastonza communalada

Damondas da baghegiar

Nr. 2016 – 1064.000

Datum dalla publicaziun: Ils 18 da november 2016

Il patrun: Victor von Castelberg-Stiftung Lutherstrasse 36, 8004 Zürich

Il representant: Rico Castelberg, Biro d'architectura, Via Alpsu, 7180 Disentis/Mustér

Object: Sanaziun dalla tegia, parcella 2549, Plaun da Fallas, 7180 Disentis/Mustér

2016-1066.000

Datum dalla publicaziun: Ils 18 da november 2016

Il patrun: Vischnaunca Disentis/Mustér, Via Cons 2, 7180 Disentis/Mustér, Corporaziun d'aua Spina da Vin, Caum postal 132, 7180 Disentis/Mustér, Repower AG, Glennerstrasse 22, 7130 Illanz

Il representant: Cavigelli Ingenieure AG, Via Sorts 27, 7130 Illanz

Object: Novs conducts d'avertura –electricidad, aua e canalisaziun – per la fracziun da Cavardiras; proprietaris da terren tenor plan davart igl acquist da dretgs naven da Pardiens (Disla) entochen Cavardiras, 7180 Disentis/Mustér

2016-1067.000

Datum dalla publicaziun: Ils 18 da november 2016

Il patrun: Meinrad Maissen, Via Plauncas 2, 7180 Disentis/Mustér

Il representant: Maissen architectura ed immobilias sa, Via Alpsu 8, 7180 Disentis/Mustér

Object: Construcziun d'ina casa nova, parcella 1624, Via Acletta, 7180 Disentis/Mustér



- Ils plans da construcziun ein deponi tier l'administraziun communal.
- L'investa publica cuozza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 15 da november 2016
Uffeci da baghegiar

Scaldaments mobils el liber

«Bulius da scaldar, radiaturs, radiaturs d'infratgietschen e.a.v.»

Tenor art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO₂ succeda entras il gestiunari ni entras la vischnaunca.
4. Sch'ils gestiunaris cumpenseschan sez l'immissiun da CO₂, vegn la vignetta concedida gratuita-mein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici po l'obligaziun da cumpensar l'immissiun da CO₂ era vegnir ademplida, sch'ei vegn applicau per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils gestiunaris cumpenseschan buca sez l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa 60 francs.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Suprastonza communal



Viafier retica

Novas plazzas da locomotivist/a a Mustér

La Viafier retica ponderescha da scaffir a Mustér in niev liug da depot. En vesta a quei legreivel fatg enquera ella persunas ch'èin interessadas vid in engaschament sco locomotivist/a. Persunas fascinadas da quei mistregn che possedan aunc buca la scolaziun da locomotivist/a ei la Viafier retica bugen promta da scolar. Las incaricas e las qualificaziuns èin d'anflar sut www.rhb.ch/offene-stellen. Ulteriur sclariment dat bugen signur Moreno Beti dalla Viafier retica, tel. 081 288 53 21, ni [mo-reno.beti@rhb.ch](mailto:reno.beti@rhb.ch). Nus lein cheutras animar persunas interessadas da s'informar e s'annunziar per quellas sis tochen diesch novas ed ordvart interessantas plazzas da lavur ch'èin previdas da scaffir en nossa vischnaunca.

Suprastonza communal

Via Run – Serrada

Muort lavurs da reparatura vid la via d'uaul Run vegn la via serrada naven dils **2 da november entochen ils 15 da november 2016** per tut traffic motorisau. Per tuttas sendas sco era per velos e pedunzs ei igl access da tut temps pusseivels. Bien engraziament per l'enconuschientscha e capientscha.

Uffeci forestal

Dascha-pégn per il temps d'advent

A Cuoz sil plaz da lenna sper il stradun metta il menaschi tecnic a disposiziun dascha-pégn. Tgi che fa diever da quei survetsch sa retrer quella naven d'immediat. In bi temps d'advent giavischa

Menaschi tecnic Disentis/Mustér

Controlla da habitonts

Mortori

Brigitha Arpagaus-Cadurisch, naschida ils 4 d'avrel 1917, morta ils 11 da november 2016

1916–2016 Chor-baselgia s. Gions Mustér

100 onns activs – Festivatad commemorativa Dumengia, ils 20 da november 2016

Program:

- 9.30 Messa festiva en baselgia s. Gions a Mustér
– Celebrant: Msgr. avat Vigeli Monn e concelebrants
 Predicatur festiv: Sur Marcus Flury, preses dalla Uniun cecilianica Surselva
– Il chor conta la «Messa giubilara» dad Alvin Muoth, cumponida aposta per il centenari dil chor-baselgia s. Gions Mustér tenor viarva da Sur Giusep Cathomas

- Ca. 11.30: Commemoraziun en halla Cons
– Beinvegna entras Erwin Caminada, president dil Chor-baselgia s. Gions
– Gentar
– Allocuziuns



– Presentaziun dalla scartira festiva:

«Chor-baselgia s. Gions – 100 onns activs»
– Producciuns: Societad da musica Mustér e Chor-baselgia Segnas

Parochianas e parochians ein envidai cordialmein suenter messa alla fiasta commemorativa en halla Cons. Il gentar vegn purschius gratuitamein dil chor centenar.
Nus sperein che numerus adherents da nies chor separticipeschien alla commemoraziun giubilara.

Cordialmein envidan
Erwin Caminada, president dil chor giubilar
Aldo Tuor, parsura dil comite d'organisaziun

Cuors da far tschupials d'advent

Nus decorein tschupials d'advent, mardis, ils 22 da november, allas 20.00. Ils tschupials vegnan formai sin in plumatsch da mescal. Il cuors che cuoza duas uras vegn menaus atras da florista e pura Cornelia Berther- Oberholzer el Center sursilvan d'agricultura, Salaplauna Disentis/Mustér. Annunzias entochen ils 19 da november tier Cornelia Berther, tel. 081 949 13 74 ni 077 491 22 85, e-mail: [baseli.berther@kns.ch](mailto:basel.berther@kns.ch)

Uniun da dunnas Mustér

Gruppa da seruschnar/termagliar

La gruppa da seruschnar/termagliar envida tut ils affons entochen treis onns, ensemen cun lur mummas ni era babs e fargliuns, da passentar in bi suentermiezdi da cumpignia. Als affons vegn purschius in ambient cumadeivel per termagliar ferton che las mummas/ils babs san sediscutar in cun l'auter. Ei vegn purschius caffè, te ed aua.

Datum: **mardis, ils 29 da november 2016**

Temps: **14.30–16.00**

Liug: **Casa da scola Segnas, local Artgin**

Per ulteriur sclariment saveis Vus contactar Daniela Schmed sut 076 404 82 69

UGG – Uniun da giuventetgna Gonda/ Dulezi/S. Gions

Sontgaclau e sia suite selegnan da puspei astgar visitar pigns e gronds. Uonn vegn quei ad esser sonda, ils 3 da december. Sco gia gl'onn vargau ei Sontgaclau cuntenschibels per e-mail sut l'adressa sontgaclau@ugg.ch ni per tel. 076 393 21 02. Ils habitonts da Gonda/Dulezi/ S. Gions che retscheivan bugen sia viseta a casa ein supplicai da s'annunziar tochen ils 30 da november 2016 cun far las indicaziuns usitadas. Era uonn envida Sontgaclau pigns e gronds ad in sitg cauld suenter messa (plaz avon garascha dalla famiglia Huonder-Flury). Sontgaclau e sia suite engrazian per la collaboraziun e selegnan sin bialas sentupadas.

UGG

Acziun da spender saung

L'acziun da spender saung per donaturas e donaturs dallas vischnauncas da Medel e Mustér ha liug gliendisdis, ils 28 da november 2016 allas 18.00–20.00 en halla Cons. Nus engraziein grondamein per quei bien survetsch en favur da malsauns e disgraziai e sperein sin ina stedia participaiun. Bugen beneventein nus era novas donaturas e novs donaturs.

Cordial beinvegni
Uniun samaritana Mustér



Sontgaclau Vitg

Sonda, ils 3 da december 2016 viseta il Sontgaclau Vitg las famiglias dalla fracziun Vitg.

13.30 viseta ellas ustrias dil vitg
15.30 messa da Sontgaclau, baselgia parochiala s.Gions
16.30 sentupada cun Sontgaclau avon halla Cons

Silsuenter viseta dil Sontgaclau da Vitg ellas casadas. Il Sontgaclau viseta era uonn bugen Vus a casa. Voss'annunzia per mail sontgaclauvitg@hotmail.com ni per posta Sontgaclau Vitg 2016, Posta, 7180 Mustér, fagess a nus grond plascher.

Cordials salids
Uniun da giuventetgna Mustér/fracziun Vitg

Stallkino: «Sonita» (Afghanistan 2015)

Donnerstag, 1. Dezember 2016, Nachtessen ab 19 Uhr, Filmstart 20 Uhr. **Filme von anderswo – Afghanistan.** Die 18-jährige Afghanin Sonita lebt als illegale Migrantin im Iran. Eines Tages erhält sie die Nachricht, dass sie in Afghanistan verheiratet werden soll. Doch sie hat einen anderen Traum: Sie liebt die Musik und möchte Rapperin werden. Eine engagierte Dokumentation über eine mutige, junge Frau. Die Filmreihe «Filme von anderswo» wird von Asylsuchenden des Transitentrums gemeinsam mit jungen Menschen aus Disentis/Mustér organisiert. Um 19 Uhr laden die Asylsuchenden zu einem Nachtessen mit afghanischen Spezialitäten ein und anschliessend gibt es ein Filmgespräch mit zwei Flüchtlingen aus Afghanistan. Für das Nachtessen und den Film machen wir eine Kollekte.